

Drugi javni poziv zainteresovanim privrednim subjektima za apliciranje u okviru programa "The Challenge"

Ambasada Kraljevine Švedske u BiH je raspisala drugi javni poziv za dostavljanje projektnih prijedloga u vezi dodjele grantova iz programa Challenge.

Poziv je upućen svim firmama iz Bosne i Hercegovine i Švedske, koje ispunjavaju uslove programa.

Podsjećamo da je na prvi javni poziv apliciralo ukupno 570 registriranih mikro i malih preduzeća, a nakon postupka procjene i evaluacije šest odabranih je dobilo grantove.

Kako navode iz Ambasade, njihovi poslovni planovi sadrže jasne elemente razvojnih učinaka, kao što su izgradnja kapaciteta, transfer tehnologije i otvaranje novih radnih mjesta. Kompanije će provoditi različite projekte unutar sektora industrije, koji se kreću od savjetovanja u području nuklearne energije do IT usluga, kao što su razvoj softvera u području optimizacije pretraživača. Odabrani pobjednici su kako individualni vlasnici tako i poljoprivredne zadruge sa više od 1000 članova.

“Challenge” fond ima na raspolaganju 500.000 eura u periodu 2013 - 2015, a koji će biti raspoređen odabranim firmama putem tri javna poziva za projekte.

Drugi javni poziv za prijedloge je otvoren 14. aprila i traje do 31. maja 2014.

Aplikacije se mogu dostaviti u online obliku na www.challenge.ba